



Mikivisuk Thomassen
Inatsisartunut ilaasortaq, Inuit Ataqtigiit

Ernisussioortut ilinniarneq pillugu § 37 naapertorlugu apeqqummut nr. 180/2020-mut akissuteqaat.

04-11-2020
Suliap normua. 2020 - 21884
All. nr. 15174853

Asasara Mikivisuk Thomassen,

Postbos 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

1 Naalakkersuisut nunatsinni ernisussioortut ilinniarfeqalersinnaanerat pilersaaruteqarfigivaat?

Akissut: Naalakkersuisut nunatsinni ernisussioortut ilinniarfimmik pilersitsinissamik pilersaaruteqanngillat. Ernisussioortut ilinniarfimmik pilersitsisoqaraluarpat sulianut tunngasutigut kivitsinnaanissaq amigassasoq nalilerneqarpoq. Nalilerneqarpoq, ilinniartitsisut amigassasut. Aammattaaq ernisussioortut ilinniarfimmik pilersitsinissamut pisariaqartitsineq annikitsutut nalilerneqarpoq, tassa peqqinnissaqarfimmi ernisussioortut taamaallaat tallimat arfineq-marlullu akornanni ukiumut atorfinitsinneqarsinnaanerat naatsorsuutigineqarmat. Tassungalu aamma ernisussioortut atorfinitsitat qassit ukiup ingerlanerani soraarsimanersut apeqqaassaaq.

2. Naalakkersuisut peqqinnissaqarfimmi ernisussioortussaaleqisarneq qanoq pilersaaruteqarfigivaat?

Akissut: Maanna pissutsit imaapput, annertunerusumik Nuup avataani missingerlugu marlunnik-pingasunik ernisussioortussaaleqisoqarpoq. Taakku taartaasunik inuttalersorneqarput. Peqqinnissaqarfimmi sulisussarsioortarnerit sulisunillu tigumminiinnarnissamut periaasissat immikkut arfinilinnik sammisaqartut atorneqarput:

- Kalaallit Nunaanni najugaqarneq - tassani inissiaqarneq, meeqqanik paarsisitsineq aammalu akissarsiat misissugassatut pingaaruteqarput.
- Sulisussanik piukkussaarineq - tassani sulisussarsiornermi periaatsit nutaat tulluarsakkallu soorlu inuit attaveqatigiittarfiaatigut, saqqummersitsinerni peqataanikkut soraarfiullu nalaani ataatsimiisitsinikkut anguniarneqarput.
- Sunniuteqarluartumik aningaasartuutinillu ilisimaarinnilluni sulisussarsiornerit - tassani taartaasartut allaffiinut sipaagaqarnissaq namminerlu allattorsimaffinnik atuinerulernissaq anguniarneqarput.
- Ineriartortitsinerit sulisunillu tigumminiinnarnerit - tassani peqqinnissakkut ilinniagaqarsimasunut ineriartortitsinissamut tigummiinnarnissamullu suliniutit neqeroortiginissaat kissaatigineqarpoq.

- Ilinniarsiit – (Kalaallit Nunaanni Danmarkimilu) ilinniarfeqarfiit Peqqinnissaqarfiullu akornanni suleqatigiinnerulernissaq anguniarneqarpoq.
- Nunanit allanit tikisitat - nunat allaneersunik atorfinitsitsisarneq eqqarsaatigalugu periarfissat misissorneqarnissaanut aningaasaliisoqarnissaa Peqqinnissaqarfiup kissaatigaa.

Tamatuma saniatigut ernisussiorlut pisortaanik atorfinitsitsisoqarpoq, taassumalu nuna tamakkerlugu ernisussiorlut suliaasa pitsaassusaat qaffassassavai aammalu erninermut atatillugu isumaginninnermi qaffassaassaaq, tassa naartunermiit erninermut sulingiffeqarallernerlu ilanngullugit qaffassaassaaq.

3. Naalackersuisut nunatsinni peqqinnissaqarfimmi sulisut ilinniarsimassutsikkut suut amigaatineqarnersut ilisimasaqarfigivaat?

Akissut: Peqqinnissaqarfik peqqinnissamut ilinniagalinnit tamanit inuttassarsiornermi ajornartorsiuteqarpoq, tamatumani ilanngullugit:

- Nakorsat
- Kigutilerisut
- Kigutigissaanermi assistentit
- Peqqissaasut, immikkut ilinniarsimasut ilinniarsimanngitsullu.
- Ernisussiorlut
- Peqqinnissamut assistentit
- Portør-redderit

4. Naalackersuisut peqqinnissaqarfimmi tunngasut ilinniaqqiffiusinnaasut suut inerisarniarpaat?

Akissut: Piginnaasanik ineriartortitsineq, ilinniaqqinnissat, ingerlaqqiffiusumillu ilinniaqqinnissat ataatsimut isigalugit suliasat suliarineranni pitsaassutsimik qaffasaanermut sulisunillu tigumminiinnarnermut qitiupput.

Peqqissaanermik ilisimatusarfik Issittumi immikkut peqqissaasutut allagartartaarniarluni ilinniarnermik neqerooruteqarpoq, ilinniarneq taanna tassaavoq piffissap ilaanni ilinniarneq ukiunik marlunnik ilinniarnertut naleqartoq (60 ECTS). Ilinniarnermi anguniagaapput, suliamut ilisimasat atorfimmullu piginnaasat ineriartorteqqinnissaat aammalu suliasanik nutaanik allanngortitaasunillu isumaginnissinnaaneq siunertaralugu atorfimmut piginnaasat ilanissaat.

Peqqissaanermik ilinniarfik ukiukkaartumik peqqinnissamut assistentinit assigiinngitsunik ingerlaqqiffiusumik ilinniaqqinnernik neqerooruteqartarpoq. Ingerlaqqiffiusutut ilinniakkat sorliit neqeroorutigineqartartut ukiumit ukiumut peqqinnissaqarfiup pisariaqartitaasa piumasaallu naapertorlugit nikerartarput. Ingerlaqqiffiusutut ilinniakkat ilaatigut ukununga tunngassuteqarput: Qinguartaaneq, Peqqinnissamik isumaginninneq, Pinaveersaartitsineq, Puigortunngorneq, Tarnip pissusaa, Utoqqaat aammalu Erninermut tunngasut.

Nakorsat, kigutit nakorsaat aammalu PPK-mut ilaasut, tassa peqqissaasut, timimik sungiusaasut, pillorissaasut, tarrarsuisut, inuussutissalerisut nerisassalerisullu, ernisussiorlut, aaviaasut aammalu peqqinnissamut assistentit pikkorissartitsinissamut

ingerlaqqiffiusutullu ilinniarnermut aningaasaliissutinik atuisinnaatitaapput tassuunakkullu suliatigut ineriartoqqinnissaminut periarfissaqarlualutik.

Taamatuttaa q sulianik naammassinninnissamat piginnaasat naapertuutinnissaat qulakkeerniarlugu sulisunut aqutsisunut sukkaasuumik aqutsisutut ilinniagaqarnissaq qitiutinneqarpoq.

Taassuma saniatigut Peqqinnissaqarfiup sulisoqarnermi immikkoortortaa nunap immikkoortuini attaveqaqatigiinnermi, imminut toquttarnerit pinaveersaartinnissaat pillugu, saqitsaannermi suliaqarneq il.il. pillugit pikkorissartitsisarpoq. Immikkoortumi Avannaani ungasinngitsukkut nunaqarfinni sulisunut assigiinngitsut pillugit pikkorissaasoqarnikuvoq.

COVID 19 pissutigalugu ilinniarnarit pisariaqavinngitsut aammalu nunatta avataani piginnaasani ineriartortitsineq maannakkuugallartumik periarfissaanngillat.

Inussiarnersumik inuulluaqqusillunga


Karl Frederik Danielsen